

# ԱԶԴԱՐԱՐ

ՏԵՂԵՎԱՏՈՒ ԱՌԱՋՆՈՐԴԱՐԱՆԻ ՀԱՅՈՑ ՔՈՒԷՅԹԻ ԵՒ ԵՐԶԱՎԱՅԻՑ ՀԱՅՈՑ ԹԵՄԻՆ

P.O.Box: 8157, Salmiyeh 22052- Kuwait. Tel: 965-25614392, Fax: 965-25638312, e-mail: [prelacy@armenianprelacykw.org](mailto:prelacy@armenianprelacykw.org)

*ՆՈՐ ԵՐԶԱՆ, Ը. Տարի, Թիւ 320, Ուրբաթ, 12 ՓԵՏՐՈՒՄԱՐ, 2016*

*ՀԱՄԱՅՆՔԱՅԻՆ*

## ՎԱՐԴԱՆԱՆՔԸ ՔՈՒԷՅԹԻ ՍՐԲՈՑ ՎԱՐԴԱՆԱՆՑ ԵԿԵՂԵՑԻՈՅ ՄԷՁ



Ուրբաթ, 5 Փետրուարին Քուէթի հայ համայնքը տօնէց Ս. Վարդանանց տօնը, որ նաեւ եկեղեցոյ անուանակոչութեան տօնն էր:

Օրուան Ս. Պատարագը մատուցանեց Քուէթի եւ Շրջակայից Հայոց Թեմի Առաջնորդ՝ Գերպ. Տ. Մասիս Ծ. Վրդ. Զօպունեան: Դպրաց դասը առաջնորդուեցաւ ղեկավարութեամբ դպրապետ՝ Քեռի

Սարգիսեանին, իսկ պատարագի արարողակարգը կատարուեցաւ հսկողութեամբ գաղութիս հոգեւոր հովիւ Արժ. Տ. Արտակ Քինյ. Քէհեաեանին: Պատարագին ներկայ գտնուեցան Թեմական կառոյցներու ներկայացուցիչները եւ մեծ թիւով հաւատացեալներ: Իր պատգամին մէջ Հայր Սուրբը խօսեցաւ Վարդանանց խորհուրդի մասին: Ան շեշտեց, թէ ինչպէս այդ օրերուն, հայ ժողովուրդին համար Վարդանանց պատերազմէն խուսափիլ կարելի չէր, ի խնդիր հաւատքի ու հայրենիքի ազատութեան, նոյն հրամայականը այսօր եւս աշխարհասփիւռ հայուն համար «Վասն հաւատոյ ու հայրենեաց» ոգին՝ անժամանցելի կոչ մըն է: Նոյնպէս անխուսափելի կոչ մըն է քուէթահայուն, որ իր եկեղեցոյ նոր կալուածի սեփականացման համար այսօր միաբանած ահազանգը կը դիմաւորէ, այնպէս ինչպէս Աւարայրի ճակատամարտին Աւետարանն ու Խաչը, սուրն ու վահանը միաբանեցան: Աւարտին, Գերպ. Հայր Սուրբը թափորով առաջնորդուեցաւ եկեղեցոյ շրջակակը, ուր Տիկնաց Յանձնախումբի պատրաստած մատաղի օրհնութիւնը կատարելէ ետք, ներկաներու ձայնակցութեամբ երգուեցան Վարդանանց յատուկ սիրելի երգերը:



[www.armenianprelacykw.com](http://www.armenianprelacykw.com)



**ՏԵԱՌՆԸՆԴԱՌԱՋԻ  
ՆԱԽԱՏՕՆԱԿ  
ԵՒ  
ԱԻԱՆԴԱԿԱՆ ՀՐԱՎԱՌՈՒԹԻՒՆ**

Ի գիտութիւն մեր բարեպաշտ ժողովուրդին կը յայտնենք, որ յառաջիկայ Շաբաթ, 13 Փետրուարի երեկոյեան ժամը 6-ին, ՏԵԱՌՆԸՆԴԱՌԱՋԻ տօնին առիթով, եկեղեցոյս մէջ տեղի պիտի ունենայ ՆԱԽԱՏՕՆԱԿԻ արարո-ղութիւն: Այս տօնը, իր կրօնական եւ ազգային բովանդակութեամբ հայ ժողովուրդի կեանքին մէջ ունի իր իւրայատուկ տեղը: Հետեւաբար,

**նախագահութեամբ՝  
Թեմիս Բարեջան Առաջնորդ,**

**Գերպ. Տէր Սասիս Ծ. Վրդ. Զօպույեանի**

**տեղի պիտի ունենան հետեւեալ արարողութիւնները եկեղեցոյս շրջափակէն ներս:**

1. Երեկոյեան ժամերգութիւն: 2. Քարոզ: 3. Անդաստան:
4. Նորապսակ ամուլներու ընկերակցութեամբ եկեղեցական թափօրը պիտի առաջնորդուի եկեղեցոյ բակը, վառելու աւանդական խարոյկը:
5. Եկեղեցոյ բակին մէջ Հայր Սուրբին, Տէր Հօր եւ նորապսակ ամուլներու ձեռքով պիտի վառուի աւանդական խարոյկը:
6. Այս առիթով Եկեղեցոյս Տիկնանց Յանձնախումբին կողմէ պատրաստուած են յատուկ լապտերներ: Փափաքողները կրնան գնել այդ լապտերները եւ Քրիստոսի լոյսը տանիլ տուն, որպէսզի ամբողջ տարին Աստուծոյ լոյսով լուսաւորուի հայ ընտանիքը:
7. Հրավառութեան աւարտին պիտի կատարուի մանուկներու ընծայում:

Այսու կոչ կ'ուղղենք մեր համայնքի զաւակներուն եւ յատկապէս նորապսակ ամուլներուն, որ խուռներամ մասնակցին վերոյիշեալ արարողութիւններուն:

Քուէթ, 8 Փետրուար, 2016

**ԹԱՂԱԿԱՆՈՒԹԻՒՆ  
ՍՐԲՈՑ ՎԱՐԴԱՆԱՆՑ ԵԿԵՂԵՑԻՈՅ**

## **Վարդանանքը Քուէյթի Սրբոց Վարդանանց Եկեղեցոյ Կիրակնօրեայ Վարժարանէն ներս**

Շաբաթ, 6 Փետրուար 2016 ին, Քուէյթի Սրբոց Վարդանանց Եկեղեցոյ Կիրակնօրեայ Վարժարանէն ներս տօնական մթնոլորտ կար: Վարդանանց Զօրավարաց եւ 1036 վկաներու հոգին ներկայ էր սիրասուն փոքրիկներու անմեղունակ սրտերուն մէջ: Վարդանանց հերոսական պատմութիւնները, Վարդանանց երգերը եւ յատկապէս Վարդանանց պատերազմի եւ անոր նախորդող գիշերուան Աւարայրի դաշտին վրայ, Սուրբ Պատարագի եւ հաղորդութեան, ապա ճակատամարտի կենդանի պատկերներու ներկայացումը, խումբ մը պատանիներու կողմէ, մեծ ոգեւորութիւն յառաջացուց բոլորին մօտ: Մեծ ուրախութիւն է տեսնել նոր սերունդի մատղաշ երեխաները, երբ «Վասն հաւատոյ եւ հայրենեաց» զոհողութեան ոգին կ'ապրին Կիրակնօրեայ Վարժարանէն ներս:



Վարձքը կատար Կիրակնօրեայի ծառայութեան մէջ գտնուող սիրելի տիկիներուն, որոնք սիրայօժար կը կատարեն տեսչական եւ ուսուցչական պարտականութիւնը, ի խնդիր նոր սերունդի հայեցի դաստիարակութեան:

**[www.armenianprelacykw.com](http://www.armenianprelacykw.com)**

**ԺԱՄԱՆԱԿԱՑՈՅՑ**  
**ՄԵԾ ՊԱՀՈՑ ԱՐԱՐՈՂՈՒԹԵԱՆՑ**

Կիրակի՝ 7 Փետրուար 2016-ին  
**ԲՈՒՆ ԲԱՐԵԿԵՆԴԱՆ Է**

Այնուհետև կը սկսի Մեծ Պահոց Քառասնօրեայ Պահեցողութեան շրջանը, որու ընթացքին պիտի կատարուին Արեւազալի եւ Հսկումի արարողութիւններ, ըստ հետեւեալի:

Հսկումի ժամերգութիւնները պիտի կատարուին, ամէն Կիրակի, երեկոյեան ժամը 6:30 –ին: Ժամերգութեան ընթացքին տեղի կ'ունենայ հոգեւոր խորհրդածութիւն: Առաջին հսկումի ժամերգութիւնը պիտի կատարուի Կիրակի 14 Փետրուարին:

Արեւազալի ժամերգութիւնները տեղի կ'ունենան  
ամէն Ուրբաթ հետեւեալ կարգով.

1. 12 Փետր. 2016, Արտաքսման, Ժամերգութիւն եւ Արեւազալ
2. 19 Փետր. 2016, Անառակին, Ժամերգութիւն եւ Արեւազալ
3. 26 Փետր. 2016, Տնտեսին, Ժամերգութիւն եւ Արեւազալ
4. 04 Մարտ 2016, Դատաւորին, Ժամերգութիւն եւ Արեւազալ
5. 11 Մարտ 2016, Գալստեան, Ժամերգութիւն եւ Արեւազալ

Կը հրաւիրենք մեր հաւատացեալ ժողովուրդը ներկայ գտնուելու այս հոգեպարար արարողութեանց, որպէսզի ինքնաքննութեամբ, զղջումով եւ ապաշխարութեամբ, հոգեպէս եւ մարմնապէս պատրաստուինք դիմաւորելու մեր Տիրոջ՝ Յիսուսի Քրիստոսի Հրաշափառ Յարութիւնը:

Քուէթ  
5 Փետրուար 2016

ՄՐԲՈՑ ՎԱՐԴԱՆԱՆՑ ԵԿԵՂԵՑԻՈՑ  
ԹԱՂԱԿԱՆՈՒԹԻՒՆ

ՀԱՅԿԱԿԱՆ

## Վարդանեան. «Ասիկա Մէկ Տարուան Համագործակցութիւն Զէ»



«Ազատութիւն» ձայնասփիւռի կայանին հետ ունեցած զրոյցին ընթացքին ՀՅԴ Հայաստանի Գերագոյն մարմինի ներկայացուցիչ Աղուան Վարդանեան յայտարարեց, որ ՀՅԴ-Հայաստանի Հանրապետական կուսակցութիւն համագործակցութիւնը մէկ տարուան համագործակցութիւն չէ, այլ ուղղուած է դէպի ապագայ:

Ան անլուրջ նկատեց այն բոլոր հրապարակումները, որոնք կան մամուլին մէջ եւ շրջան կ'ընեն լրատուամիջոցներուն կողմէ: «Կայ

համագործակցութեան առաջարկ, կան աշխատանքային քննարկումներ, քննարկուող ինդիքները այնքան բազմազան են եւ առանցքային, որ միայն պաշտօններու վրայ կեդրոնանալը լուրջ չէ: Մենք հսկայական աշխատանք կը կատարենք, եւ ասիկա դաւադրական երեւոյթ չէ, մեր երկրին մէջ որակական փոփոխութիւններու հասնելու մեր պատկերացումները կը ներկայացնենք եւ կը փորձենք գալ համաձայնութեան: Երբ երկու ուժեր կը բանակցին, բնականաբար, կը քննարկեն, տեսակէտներու բախում, բանավեճ կ'ըլլայ, կը փորձենք լուծումներ գտնել: Մեր հիմնական ինդիքն է՝ գտնել այն ուղղութիւնները, որ կարենանք միացեալ ուժերով դրական ակնկալիք, յոյս յառաջացնել մեր քաղաքացիներուն մօտ: Երկրորդ ինդիքը՝ համագործակցութեան ձեւաչափն է. երկու ուժեր պէտք է միասնաբար աշխատին՝ ի՞նչ ձեւաչափով պիտի աշխատին, ինչպէ՞ս պիտի քննարկեն հարցերը, ինչպէ՞ս որոշումներ պիտի տան, խորհրդատուական մարմին անհրաժեշտ է, թէ՞ ոչ, ասոնք եւս կարելոք հարցեր են, որ վաղը, միւս օրը ինդիքներ չառաջանան: Եւ միայն երրորդ ինդիքն է՝ համապատասխան մարզերու ընտրութեան հարցը», յայտարարեց Վարդանեան: Ան տեղեկացուց, որ կրթութեան եւ գիտութեան, տարածքային կառավարման եւ տնտեսութեան նախարարի պաշտօնները Դաշնակցութեան փոխանցելու հարցը քննարկման հանգրուանին մէջ է:

ՀՅԴ Հայաստանի Գերագոյն մարմինի ներկայացուցիչը վստահեցուց, որ քանի մը օրէն ամէն ինչ աւելի յստակ կ'ըլլայ: Ըստ անոր, ամէն շաբաթ կը գումարուին ՀՅԴ Հայաստանի Գերագոյն մարմինի նիստերը, կը կատարուին միացեալ քննարկումներ ՀՅԴ Բիւրոյին հետ, իսկ այս հանգրուանին համագործակցութեան շուրջ բանակցութիւնները հիմնականին մէջ կը կայանան Հայաստանի եւ Հանրապետական կուսակցութեան նախագահ Սերժ Սարգսեանի եւ ՀՅԴ Բիւրոյի ներկայացուցիչ Հրանդ Մարգարեանի միջեւ:

Պատասխանելով լրագրողի մը այն հարցումին, թէ 2017-էն ետք համագործակցութիւնը պիտի շարունակուի՝ Վարդանեան նախ նշեց, որ բնականաբար այսօր այդ հարցումին պատասխանելը շատ թեւական կ'ըլլայ. ան շեշտեց, որ ներկայիս կարելոք իսկապէս լրջօրէն ընտրութիւններուն պատրաստուիլն է, վստահութիւն ներշնչող Ընտրական օրէնագիրք ունենալն է, որ չ'արտօներ արհեստական կամ այլ ձեւերով որեւէ քաղաքական ուժի առաւելութիւն ունենալը:

«Ես յոյս ունիմ, որ մենք առաջին անգամ ըլլալով լաւագոյն ընտրութիւնները կ'ունենանք, քննարկումները այդ հունով կ'ընթանան, բնականաբար, մեր համագործակցութիւնը միտուած է ապագային, մէկ տարուան համագործակցութիւն չէ», ըսաւ Վարդանեան:

Լրագրող մը հարցուց, թէ Դաշնակցութիւնը ի՞նչ պիտի փոխէ կառավարութեան մէջ. Վարդանեան պատասխանեց, որ ներկայիս հարցերը այնքան մեծաթիւ են եւ զանոնք համախմբուած դիմագրաւելու կարողութիւնը այնքան ցաքուցրիւ, որ Դաշնակցութեան ներկայութեամբ նոր որակ պիտի հաղորդուի կառավարման արդիւնաւետութեան. նոր սահմանադրութեամբ Դաշնակցութիւնը սկիզբ դրած է միանձնեայ կառավարման վերջ տալու հոլովոյթին:

«Սահմանադրական փոփոխութիւնները կատարած ենք այդ նպատակով, որ երկրին մէջ իրավիճակ փոխուի, իսկ որպէսզի երկրին մէջ իրավիճակ փոխուի, ՀՅԴ-ի մասնակցութիւնը, պատասխանատուութիւնը, աշխատանքը անհրաժեշտ են: Կայ աշխատելու դաշտ, նման բարդ պայմաններու մէջ նման պատասխանատուութիւններ ստանձնել, վստահաբար բարդ է, բայց ասիկա Դաշնակցութիւնն է: Մեզի համար էականը երկրին մէջ դրական փոփոխութիւններու հասնիլն է եւ ես յոյսով եմ, որ մենք կը հասնինք անոր», եզրափակեց Ադուան Վարդանեան:

## Շարմագանով. «ՀՅԴ-ի Հետ Կայ Նախնական Համաձայնութիւն»

Հայաստանի Հանրապետական կուսակցութեան Գերագոյն մարմինի նիստէն ետք լրագրողներուն հետ ունեցած զրոյցին ընթացքին կուսակցութեան բանբեր, Ազգային ժողովի փոխնախագահ Էդուարդ Շարմագանով յայտարարած է, թէ նիստին ընթացքին հիմնականին մէջ անդրադարձ կատարուած է ՀՀԿ-ՀՅԴ համագործակցութեան ձեւաչափին, սակայն, Դաշնակցութեան յանձնուելիք նախարարութիւններուն մասին տեղեկութիւն պիտի տրուի շաբաթավերջին:



«ՀՅԴ-ի հետ Հանրապետական կուսակցութիւնը ունի ընդհանուր առմամբ նախնական համաձայնութիւն՝ ապագային կառավարման համակարգին մէջ միասնաբար աշխատելու: Վերջնական համաձայնութեան մասին կը խօսինք շաբաթավերջին: Փաստեմ, որ ՀՅԴ-ի հետ Հանրապետական կուսակցութիւնը շատ հաւանական կը նկատէ համաձայնութիւնը, եւ այսօր ունինք ՀՅԴ-ի հետ նախնական համաձայնութիւն», ըսած է ան:

Շարմագանովի համաձայն, կայ նախնական համաձայնութիւն, իսկ նախնականը անպայման վերջնական չէ. «Նախնական համաձայնութիւնը 100 տոկոսը չէ, այլ 95, բայց հիմնական մասով»:

Շարմագանով նշած է, որ թէեւ անուններ պիտի չհրապարակէ, բայց պաշտօններու հարցերը հիմնականօրէն լուծուած է, ինչպէս նախարարներու, այնպէս ալ մարզպետներու պարագային. «Մամուլին մէջ հրապարակուած նիւթերուն մէկ մասը կը համապատասխանէ, միւս մասը չի համապատասխաներ իրականութեան: Մեր համաձայնութիւնը ոչ թէ զուտ պաշտօններու մեքենական յանձնումի հարցն է, այլ լուրջ ծրագիրի դրութիւններու վրայ պետք է ըլլայ»:

Ան աւելցուցած է, թէ իրենց կուսակցական գործընկերները պիտի շարունակեն իրենց գործունէութիւնը այլ մարզերու մէջ՝ առանց անդրադառնալու այդ մարզերուն:

## **Հաստատուած է Ցանկը Այն Օրէնքներուն, Որոնք Պիտի Ընդունուին Կամ Փոփոխութեան Ենթարկուին Նոր Սահմանադրութեան Հիման Վրայ**

Հայաստանի նախագահ Սերժ Սարգսեանի հրամանագիրով հաստատուած է 6 դեկտեմբեր 2015-ի հանրաքուէով ընդունուած սահմանադրութեան փոփոխութիւններով անուանականօրէն սահմանուած եւ ընդունման, փոփոխութեան կամ լրացման ենթակայ օրէնքներու ցանկը: Այս ցանկին մէջ ընդգրկուած է 12 օրէնք՝ Ընտրական օրէնսգիրքը, Դատական օրէնսգիրքը, Ազգային ժողովի կանոնակարգը, կուսակցութիւններու, մարդու իրաւունքներու պաշտպանի մասին օրէնքը եւ այլն:

Համաձայն հրամանագիրի յաւելումածին, Ընտրական օրէնսգիրքը Ազգային ժողովի քննարկումին ներկայացնելու ժամկետը 1 մարտն է:

Համաձայն նոյն հրամանագիրին, նախագահ Սերժ Սարգսեան որոշած է ստեղծել Հայաստանի Հանրապետութեան նախագահին առընթեր սահմանադրական բարեփոխումներու իրաւական ապահովման աջակցող մասնագիտական խորհրդակցական խորհուրդ: Խորհուրդին մէջ ընդգրկուած է տասը անձ, որոնց շարքին՝ Սահմանադրական դատարանի նախագահ Գագիկ Յարութիւնեանը, կառավարութեան աշխատակազմի ղեկավար-նախարար Դաւիթ Յարութիւնեանը, Ազգային ժողովի աշխատակազմի ղեկավար Հրայր Թովմասեանը, գլխաւոր դատախազ Գեորգ Կոստանեանը եւ ուրիշներ:

առավարութեան յանձնարարուած է ապահովել ընդունման կամ փոփոխման ենթակայ օրէնքներու նախագիծերու մշակումը եւ անոնք սահմանուած կարգով ու ժամկէտերուն ներկայացնել Ազգային ժողովի քննարկումին:

## **Կարօ Փայլան Թուրքիոյ Խորհրդարանին Մէջ Անդրադարձած է Հայ-Թրքական Սահմանին Փակ Ըլլալուն**



«Էրմենիհապեր» կը հաղորդէ, որ Թուրքիոյ խորհրդարանի ծրագրումի եւ ամսավարկի յանձնախումբի քննարկումներուն մասնակցող հայագգի երեսփոխան Կարօ Փայլան իր ելոյթին ընթացքին անդրադարձած է նաեւ հայ-թրքական սահմանին փակ ըլլալու իրողութեան՝ նշելով, որ եթէ անիկա բաց ըլլար, ապա Հայաստան իր առեւտուրին մեծ մասը Թուրքիոյ հետ պիտի ընէր:

Ըստ թրքական «Մոնտաքիքա» լրատուական կայքին, Փայլան մասնաւորապէս ըսած է. «23 տարի է, որ Հայաստանի հետ սահմանը փակ է: Հիմնաւորումը Ղարաբաղն է: Եթէ սահմանը բաց ըլլար, Հայաստան իր առեւտուրին երեք չորրորդը Թուրքիոյ հետ պիտի իրականացնէր: Մարդիկ պիտի գային ու երթային: Յարաբերութիւնները պիտի զարգանային եւ թերեւս այդպիսով Ղարաբաղի հարցն ալ կը լուծուէր: Երկու կողմերն ալ կրնային այդ յարաբերութիւնները զարգացնել, եւ խնդիրները պիտի լուծուէին»:

**ՄԻՋԱԶԳԱՅԻՆ**

**Այսօր Միւնիխի Մէջ Սուրիոյ Միջազգային Աջակցութեան Խմբակի Ժողով. «Մտահոգ Ենք Սուրիոյ Սահմանին Վրայ Թուրքիոյ Շարժումներէն, Եւ Անգարա ՏԱՀԵՇ-ի Հետ Կը Բանակցի» Կ'ըսէ Լաւրով**

Ռուսիոյ արտաքին գործոց նախարար Սերկէյ Լաւրով յայտնեց. «Սուրիական տագնապը զինուորական միջոցներով լուծելու վտանգը իրականութեան վերածուեցաւ»:

Ռուսական դիւանագիտութեան պետը ըսաւ, որ Թուրքիան ռուսական օդային հարուածներու շարունակութեան պայմաններուն մէջ ՏԱՀԵՇ-ի համակարգում կատարելու գաղտնի բանակցութիւններ կը վարէ:

Ան մտահոգութիւն յայտնեց Սուրիոյ սահմանին վրայ թրքական շարժումներէն՝ յոյս յայտնելով, որ Ռաշիմկըն Սուրիոյ մէջ թրքական զինուորական ներխուժում մը չ'արտօնէր:

Մինչ այդ, Ռուսիոյ արտաքին գործոց նախարարութեան բանբեր Մարիա Զախարովա յայտարարեց, որ այսօր Գերմանիոյ Միւնիխ քաղաքին մէջ տեղի պիտի ունենայ Սուրիոյ աջակցութեան միջազգային խմբակի ժողովը եւ նշեց, որ խմբակը պիտի քննարկէ Սուրիոյ տագնապի լուծման միացեալ ջանքերը:

Զախարովա մամլոյ ասուլիսի մը ընթացքին յայտնեց. «Մոսկուա կը մերժէ քրտական Ժողովրդավարական միութիւն կուսակցութիւնը լուծման բանակցութիւններէն հեռու պահելը»: Ան «ամերիկացի գործընկերներուն» դարձեալ կոչ ուղղեց «Սուրիոյ մէջ ահաբեկչութեան դէմ պայքարին մէջ գործակցելու»՝ աւելցնելով, որ ռուսական գործողութիւններուն ընթացքին Սուրիոյ մէջ քաղաքային զոհերու արձանագրուելուն մասին Միացեալ Նահանգներու արտաքին գործոց նախարար Ճոն Քերրիի յայտարարութիւնները փաստերէ զուրկ են:

«Անհրաժեշտ է Սուրիոյ մէջ լուծումի հասնելու համար բոլոր կողմերու կեցուածքները մերձեցնել», շեշտեց Զախարովա՝ նշելով. «Ամերիկեան պատկերասփիւռի կայաններու յայտարարութիւնները քաղաքականացուած են եւ նախ եւ առաջ կը վնասեն անոնց վարկին»:

Ան ըսաւ, որ գերմանական լրատուամիջոցներուն կողմէ սուրիական բանակին դէպի թրքական սահման յառաջխաղացքը քննադատելը անհասկնալի է, «իսկ թրքական իշխանութիւններուն կողմէ սուրիական բանակին յառաջխաղացքին ուղղուած քննադատութեան պատճառը սահմանային շրջանները գրաւելու Անգարայի մտադրութիւնն է»:

«Բանակցութիւնները նախապէս ձախողեցան, որովհետեւ Արեւմուտքը պայման դրաւ Սուրիոյ նախագահ Պաշար Ասատի հեռացումը, իսկ Ռուսիան մեծ ջանք թափեց բանակցութիւններուն կայացման համար եւ բանակցութիւնները ձախողութեան մատնելու մէջ զայն ամբաստանելը անտրամաբանական է», ըսաւ Զախարովա:

«Ռոյթըրզ» լրատու գործակալութիւնը Չորեքշաբթի օր հաղորդեց, որ Ռուսիոյ արտաքին գործոց նախարար Սերկէյ Լաւրով եւ Միացեալ Նահանգներու արտաքին գործոց նախարար Ճոն Քերրի համաձայնած են Սուրիոյ մէջ զինադադարի հաստատման եւ պաշարուած շրջաններ մարդասիրական օժանդակութիւններ մտցնելու կարելորութեան շուրջ:



## Քերրի. «Ամերիկեան Վարչակազմը Կ'ընդունի Սուրիոյ Մէջ ՏԱՀԵՇ-ի Դէմ Գործողութիւններուն Մէուտական Ցամաքային Ուժերու Մասնակցութեան Առաջարկը»



Միացեալ Նահանգներու արտաքին գործոց նախարար Ճոն Քերրի յայտարարեց. «Նախագահ Պարաք Օպամայի վարչակազմը կ'ընդունի Սուրիոյ մէջ ՏԱՀԵՇ-ի դէմ կռուելու համար սէուտական եւ էմիրաթական ցամաքային ուժեր ուղարկելու առաջարկը»:

Քերրի հարցազրոյցի մը ընթացքին ըսաւ, որ իր երկիրը Սուրիոյ հարցով կը մօտենայ վճռական կեցուածքի մը՝ կամ կ'ընդունի դէպի զինադադարի հաստատում յառաջանալ, կամ ալ կ'ուղղուի դէպի այլընտրանքային ծրագիր եւ զինուորական նոր գործողութիւններ: Ան յոյս յայտնեց, որ Ռուսիան ընտրէ իր քաղաքական շահերուն լաւագոյնս համապատասխանողը՝ Սուրիոյ մէջ քաղաքական փոխանցման իրագործումը: Քերրի շեշտեց, որ Սուրիոյ շուրջ բանակցութիւններուն մէջ պէտք է հասունութիւն ցուցաբերել, որովհետեւ եթէ կողմերէն մէկը ինքզինք յաղթական նկատէ, պիտի ներկայացնէ այնպիսի պահանջներ, որոնք միւս խմբակին կողմէ պիտի մերժուին, եւ այդ պարագային

«սպանդը պիտի շարունակուի»՝ աւելցնելով. «Հալէպէն դարձալ փախուստ տուող հազարաւորներուն օժանդակող զինադադարի մը հաստատման վերջին փորձ մը չկատարելը դիւանագիտական անփութութիւն պիտի ըլլայ»:

Ամերիկեան դիւանագիտութեան պետը նշեց, որ այն ինչ որ ինք այժմ կը կատարէ Ռուսիոյ եւ Իրանի լրջութիւնը փորձելն է: «Եթէ լուրջ չեն, ապա պէտք է այլընտրանքային ծրագիր մը նկատի ունենալ: Այսպէս կարելի չէ նստիլ», ըսաւ ան:

Միւս կողմէ, Իրաքի վարչապետ Հայտար Ապատի ըսաւ. «Սուրիա ցամաքային ուժեր ուղարկելը վտանգաւոր մագլցում մըն է»:

## Ռուսիոյ Արտաքին Գործոց Նախարարութիւնը Պիտի Ուսումնասիրէ 1921-ի Ռուս-Թրքական Համաձայնագիրը Չնջելու Առաջարկը

ԹԱՍՍ հաղորդեց, որ Ռուսիոյ արտաքին գործոց նախարարութեան բանբեր Մարիա Զախարովա յայտարարած է, որ Ռուսիոյ արտաքին գործոց նախարարութիւնը պիտի ուսումնասիրէ Տումայի երեսփոխաններու 16 մարտ 1921-ի ռուս-թրքական բարեկամութեան ու եղբայրութեան մասին համաձայնագիրը չնջելու առաջարկը:

«Ռուսիոյ արտաքին գործոց նախարարութիւնը ստացած է Տումայի խումբ մը երեսփոխաններուն առաջարկը՝ կասեցնելու համաձայնագիրը: Այս պահուս առաջարկը պէտք է ուսումնասիրուի: Ամէն ինչ պիտի կատարուի սահմանուած կարգով: Առայժմ պէտք է ուսումնասիրուի նախաձեռնութիւնը», ըսած է Զախարովա: Յիշեցնենք, որ Ռուսիոյ Տումային մէջ Համայնավար կուսակցութեան երեսփոխաններ Վալերի Ռաշքին եւ Սերկէյ Օպուշով Ռուսիոյ նախագահ Վլատիմիր Փութինին ու արտաքին գործոց նախարար Սերկէյ Լաւրովին նամակ յղած են՝ առաջարկելով չնջել 16 մարտ 1921-ի Մոսկուայի ռուս-թրքական բարեկամութեան ու եղբայրութեան մասին համաձայնագիրը: Անոնք իրենց քայլը հիմնաւորած են Թուրքիոյ յարձակողապաշտ կեցուածքով:

## ԱՆԴՐԱԴԱՐՁ

# «Ծառայել Աստուծոյ, Մեր Եկեղեցիին, Մեր Ազգին Ու Մեր Նմանին\*»

ՎԱՂԻՆԱԿ Ծ. ՎՐԴ. ՄԵԼՈՅԵԱՆ

Քառասնօրեայ պահեցողութիւնը կանխող վերջին օրը կը կոչուի «Բուն Բարեկենդան», որուն իմաստը, կը խորհիմ, որ պարզ պէտք է ըլլայ ձեզի համար. այսօր, հետեւաբար, Բուն Բարեկենդանի մասին պիտի չխօսիմ, այլ՝ ծառայութեան մասին, որովհետեւ առանց ծառայութեան՝ չկայ Բուն Բարեկենդան: Բայց որո՞ւ կամ ի՞նչ բանի պէտք է ծառայել եւ ինչպէ՞ս պէտք է ծառայել: Վեհափառ հայրապետը ծառայութեան վերաբերող իր հռչակագիրին մէջ կը հաստատէ, որ պէտք է ծառայել Աստուծոյ, մեր եկեղեցիին, մեր ազգին եւ մեր նմանին: Խօսինք առանց մասին առանձնաբար.

### 1) Ծառայութիւն Աստուծոյ

Ի՞նչպէս կրնանք ծառայութիւն մատուցել Աստուծոյ: Աստուծոյ ծառայութիւն մատուցելու համար նախ պէտք է մեր անձերը իբրեւ ծառայ մատուցենք Աստուծոյ: Աստուծոյ մատուցուած որեւէ ծառայութիւն փառք չի բերեր Աստուծոյ եւ ո՛չ ալ վարձատրութիւն մեզի, եթէ երբեք մենք զմեզ չենք յանձնած Աստուծոյ՝ իբրեւ ծառաներ: Աստուած կ'ընդունի մեր ծառայութիւնը միայն այն ատեն, երբ մեզ ընդունի իբրեւ ծառայ:

Ի՞նչ պէտք է ընել Աստուծոյ ծառայութիւն մատուցած ըլլալու համար: Երբ Քրիստոսի թագաւորութեան երկրի վրայ տարածման համար կ'աշխատինք, Աստուծոյ ծառայութիւն մատուցած կ'ըլլանք: Իսկ ինչպէ՞ս կրնանք Քրիստոսի թագաւորութիւնը երկրի վրայ տարածել:

Երբ Քրիստոսի փրկութեան աւետիսը կը հնչեցնենք մարդոց կեանքին մէջ, եւ երբ մարդիկը Քրիստոսի փրկութեան կ'առաջնորդենք, Քրիստոսի թագաւորութիւնն է, որ երկրի վրայ տարածած կ'ըլլանք, եւ սա Աստուծոյ ծառայութիւն մատուցել է:

Երբ վկայութիւն կու տանք Քրիստոսի սիրոյն մասին, եւ մանաւանդ երբ Քրիստոսի սիրոյն արտացոլացումը կը դառնանք մարդոց կեանքին մէջ, եւ ատով մարդիկը Քրիստոսի սիրոյն կ'առաջնորդենք, Քրիստոսի թագաւորութիւնն է, որ երկրի վրայ տարածած կ'ըլլանք, եւ սա ուրիշ բան չէ, եթէ ոչ՝ Աստուծոյ ծառայութիւն մատուցել:

Երբ Աստուծմէ հեռու եղող մարդիկը Աստուծոյ կը մօտեցնենք, ծառայութիւն է, որ մատուցած կ'ըլլանք Աստուծոյ: Երբ ճշմարտութենէն հեռացած մարդը ճշմարտութեան կ'առաջնորդենք, ծառայութիւն է, որ մատուցած կ'ըլլանք Աստուծոյ: Երբ մոլորած մարդուն երկինք առաջնորդող ճամբան ցոյց կու տանք, ծառայութիւն է, որ մատուցած կ'ըլլանք Աստուծոյ:

### 2) Ծառայութիւն եկեղեցոյ

Ի՞նչ կը հասկնանք եկեղեցիին ծառայել ըսելով: Երբ կառչած կը մնանք մեր մայրենի եկեղեցիին, ծառայութիւն է, որ մատուցած կ'ըլլանք մեր եկեղեցիին: Երբ անվթար ու անաղարտ կը պահենք մեր առաքելական հաւատքը, ծառայութիւն է, որ մատուցած կ'ըլլանք մեր մայրենի եկեղեցիին: Երբ եկեղեցիէն հեռու եղողը եկեղեցի կը բերենք, ծառայութիւն է, որ մատուցած կ'ըլլանք մեր եկեղեցիին: Երբ կը սիրենք եկեղեցին եւ մեր մանուկներուն ու պատանիներուն ալ եկեղեցին սիրել կը սորվեցնենք, ծառայութիւն է, որ մատուցած կ'ըլլանք մեր եկեղեցիին: Երբ մեր գործնական մասնակցութիւնը կը բերենք եկեղեցական արարողութեանց, յատկապէս՝ Սուրբ պատարագին, ծառայութիւն է, որ մատուցած կ'ըլլանք մեր եկեղեցիին:

Երբ կը պատուենք ու կը պաշտպանենք մեր եկեղեցին, ծառայութիւն է, որ մատուցած կ'ըլլանք մեր եկեղեցիին:

Եկեղեցին մեր հոգեւոր ծննդավայրն է. պէտք է տէ՛ր կանգնիլ մեր հոգեւոր ծննդավայրին:

Եկեղեցին Աստուծոյ թագաւորութեան դո՛ւտն է՝ մեր ազգի զաւակներուն դիմաց բացուած. պէտք է արթուն պահակները ըլլանք այս դուռին:

Եկեղեցին տո՛ւնն է Աստուծոյ ու տո՛ւնն է մեր ազգին, կ'ըսէ վեհափառ հայրապետը. ուստի պէտք է հաւատարիմ պաշտպանները դառնալ Աստուծոյ եւ մեր ազգի տան՝ եկեղեցիին:

«Հայ եկեղեցին հայ ժողովուրդով կը ստանայ իր իսկական ինքնութիւնը», կը հաստատէ Նորին արքայութիւնը. պէտք է տէ՛ր ու պահապան ըլլալ մեր ազգի ինքնութեան պահպանիչ՝ Հայ եկեղեցիին:

### **3) Ծառայութիւն մեր ազգին**

Ինչպէ՞ս կրնանք ծառայել մեր ազգին: Երբ հեռու կը մնանք խառն ամուսնութիւններէ եւ հայ, հայաբոյր ու հայասեր ընտանիք կը կազմենք, ծառայութիւն է, որ մատուցած կ'ըլլանք մեր ազգին:

Երբ ինքնութիւն աղարտող մեր շրջապատին մէջ անաղարտ կը պահենք մեր ազգային ինքնութիւնը, ծառայութիւն է, որ մատուցած կ'ըլլանք մեր ազգին:

Երբ հայ ոգին մեզմէ դատարկող աշխարհայնացումի դիմաց անբասիր կը պահենք մեր մէջ հայու ոգին, ծառայութիւն է, որ մատուցած կ'ըլլանք մեր ազգին:

Երբ մաքուր հայերէն կը խօսինք եւ մեր զաւակներուն ալ մաքուր հայերէն խօսիլ կը սորվեցնենք, ծառայութիւն է, որ մատուցած կ'ըլլանք մեր ազգին:

Երբ հայ ուսուցիչը հայեցի կրթութիւն կը փոխանցէ իր աշակերտներուն՝ սորվեցնելով անոնց հայերէն խօսիլ ու գրել, հայերէն երգել ու արտասանել, ծառայութիւն է, որ մատուցած կ'ըլլայ մեր ազգին:

Երբ կը սիրենք ու մեր զաւակներուն ալ կը սորվեցնենք սիրել մեր ազգն ու հայրենիքը, ծառայութիւն է, որ մատուցած կ'ըլլանք մեր ազգին: Իսկ մեր ազգն ու հայրենիքը սիրելը լոկ խօսքով չ'ըլլար: Մեր սէրը գործնապէս պէտք է արտայայտել: Երբ հայ հաւատացեալը աղօթք կը բարձրացնէ առ Աստուած՝ մեր ազգին ու հայրենիքին հօրացման ու նորոգութեան համար, ծառայութիւն է, որ մատուցած կ'ըլլայ մեր ազգին ու հայրենիքին: Երբ հայ հարուստը դրամ կու տայ, հայ եկեղեցի ու հայ դպրոց կառուցելու կամ նորոգելու համար, ծառայութիւն է, որ մատուցած կ'ըլլայ մեր ազգին ու հայրենիքին: Վեհափառ հայրապետը ծառայութեան կապուած իր պատգամին մէջ կ'ըսէ. «Պատմութիւնը միշտ յարգանքով պիտի յիշէ ո՛չ թէ մեր ունեցածը, այլ՝ մեր տուածը, ո՛չ թէ մեր գեղեցիկ խօսքերը, այլ՝ մեր բարի գործերը: Պատմութեան փռշիներուն մէջ կը կորսուին անոնք, որոնք միայն ունենալու համար պայքարած են: Պատմութեան մայր էջին վրայ կը մնան միայն անոնք, որոնք տուած են ի խնդիր գերագոյն արժէքներու կենսագործման ու յաւերժացման եւ սրբազան նպատակներու ու վեհ իտեալներու իրականացման»:

### **4) Ծառայութիւն մեր նմանին**

ա) Մեր նմանին ըսելով՝ առաջին հերթին կը հասկնանք աղքատներն ու կարիքաւորները: Մենք մի՛շտ պէտք է աղքատներուն օգնենք, բայց մանաւանդ՝ Նոր տարուան առիթով, Տէր Յիսուսի ծնունդին առիթով, քառասնօրեայ պահեցողութեան ժամանակ եւ Քրիստոսի հրաշալի յարութեան տօնին առիթով:

Ինչո՞վ կ'օգտուինք, երբ Նոր տարուան առիթով նուէրներ կու տանք իրարու եւ սակայն նուէր մը չենք տար աղքատի մը, որուն համար Աստուծոյ Որդին աղքատացաւ ու իր կեանքը նուիրաբերեց:

Ինչո՞վ կ'օգտուինք, երբ Ս. Ծնունդի առիթով սեղան կը բանանք իրարու դիմաց, եւ սակայն սեղան չենք բանար աղքատին դիմաց, որուն նմանութեամբ ծնաւ ու ապրեցաւ Յիսուս, եւ կը մոռնանք Յիսուսի պատուէրը, որ երբ սեղան պատրաստենք, պէտք է աղքատները ճաշի հրաւիրենք (Ղուկաս 14.13):

Ինչն՞վ կ'օգտուինք, երբ քառասուն օր պահք կը պահենք եւ սակայն քառասուն օրուան ընթացքին անօթի մը չենք կերակրեր. քառասուն օր մենք զմեզ որոշ բաներէ կը զրկենք եւ սակայն ոչինչ կու տանք զրկուածներուն: Յովհան Մանդակունի հայրապետը դիտել կու տայ, որ մեր անօթի մնալուն նպատակը ուրիշ անօթի մը կշտացնելը պէտք է ըլլայ, եւ այն բանը որմէ կը զրկենք մենք զմեզ, պէտք է զայն զրկուածին տանք:

Ինչն՞վ կ'օգտուինք, երբ Ս. Յարութեան տօնին առիթով յարուցեալ Աստուածորդիին անուան փառքին համար կ'երգենք, բայց անոր անուան փառքին համար ոչինչ կ'ընենք աղքատին համար:

բ) Մեր նմանին ըսելով՝ կը հասկնանք որբերն ու որբեւայրիները: Որբ մը որդեգրելը կրնայ պատճառ դառնալ, որ որդեգրուինք Աստուծոյ կողմէ: Որբի մը հոգ տանիլը մեզ Աստուծոյ հոգատարութեան կ'արժանացնէ: Եթէ կ'օգնենք որբերուն ու որբեւայրիներուն, Դատաստանի օրը Աստուծոյ օգնութեան պիտի արժանանանք, իսկ եթէ զանոնք երեսի վրայ կը ձգենք, Դատաստանի օրը երեսի վրայ պիտի մնանք:

գ) Մեր նմանին ըսելով՝ կը հասկնանք վիրաւորներն ու տառապողները: Ճշմարիտ հաւատացեալը պէտք է հոգիներու, սիրտերու ու զգացումներու բժիշկ ըլլայ: Պէտք չէ ցուցնենք մէկը, որուն համար Յիսուս ցաւ կրեց: Պէտք չէ վիրաւորենք մարդը, որուն համար Աստուծոյ Որդին վիրաւորուեցաւ. ընդհակառակը, պէտք է բալասան ըլլանք անոր վերքերուն համար: Համբերութեամբ տարուած վերքը մեզ վարձքի կ'արժանացնէ, իսկ ուրախութեամբ ուրիշին վերքը բուժելը մեզ ոչ միայն վարձքի, այլեւ փառքի կ'արժանացնէ, Աստուծոյ նմանութեան կ'առաջնորդէ:

դ) Մեր նմանին ըսելով՝ կը հասկնանք մեր հարազատներն ու ազգականները: Հարազատներ ու ազգականներ պարտականութիւն ու պարտաւորութիւն ունին իրարու նկատմամբ: Սուրբ Կոյս Մարիամ երբ Գաբրիէլ հրեշտակէն լսեց, թէ իր ազգականը՝ Եղիսաբէթ վեց ամսուան յղի էր, անմիջապէս անոր քով գնաց ու սկսաւ անոր ծառայել: Դուկաս կ'ըսէ, թէ Մարիամ շուրջ երեք ամիս մնաց Եղիսաբէթի մօտ (1.56): Եթէ Եղիսաբէթ վեց ամսուան յղի էր, երբ Մարիամ անոր քով գնաց, եւ եթէ Մարիամ երեք ամիս մնաց Եղիսաբէթի մօտ, սա կը նշանակէ, թէ Մարիամ տուն դարձաւ Յովհաննէս Սկրտիչի ծնունդէն ետք միայն, որ կը նշանակէ, թէ Մարիամ իր պարտականութիւնը լիովին կատարեց իր ազգականին՝ Եղիսաբէթի նկատմամբ: Ան սկսաւ Եղիսաբէթի ծառայութեան եւ իր ծառայութիւնը կիսատ չըողուց. Մարիամ Յովհաննէս Սկրտիչի ծնունդով իր ծառայութիւնը ամբողջացուցած նկատեց եւ հանգիստ խղճով տուն դարձաւ: Մենք պատրաստ ենք Մարիամի նման ծառայելու մեր ազգականներուն. յատկապէս անոնց, որոնք կարիքը ունին մեր ծառայութեան: Եղիսաբէթ Մարիամի ծառայութեան կարիքը ունէր, ոչ միայն որովհետեւ յղի էր, այլ նաեւ որովհետեւ ծեր էր (Դուկաս 1.7): Սուրբ հայրեր այս իրողութեան վրայ հիմնուելով՝ կը վկայեն, թէ Մարիամ կը սիրէր ծերերը եւ ծերերուն օգնելը: Այսօր մեր ազգի զաւակները ինչպէ՞ս կը վերաբերին ծերերուն հետ ընդհանրապէս, եւ իրենց ծերացած ծնողներուն հետ՝ մասնաւորաբար: Այսօր շատերու համար իրենց ծնողները բեռ կը նկատուին, ազատութեան կաշկանդում կը նկատուին, եւ իրենց այս բեռէն եւ ազատութեան կաշկանդումէն ազատելու համար իրենց ծնողները ծերանոց կը դնեն: Ո՛չ, սիրելիներ, մեր ծերացած ծնողները օրհնութիւն են մեզի համար եւ ո՛չ թէ՛ բեռ ու ազատութեան կաշկանդում:

Երբ ծերանոց կը դնենք մէկը, որուն հոգ տանելու կարելիութիւն չունինք, հասկնալի ու ընդունելի է, բայց երբ ծերանոց կը դնենք մէկը, որուն կրնանք հոգ տանիլ, բայց կը զլանանք, անհասկնալի ու անընդունելի է: Վերջերս իմացայ, որ հայ ընտանիք մը ուզելով, որ իր Կաղանդը աւելի հանգիստ ու ազատ անցընէ, իրենց ծերացած մայրը ծերանոց դրին Կաղանդէն քանի մը օր առաջ. սրտի նեղութեան պատճառով այս հայ մայրը Կաղանդէն 3-4 օր ետք հոգին աւանդեց: Այս հայ մայրը, որ ո՛վ գիտէ, թէ անցեալին ինչէր ըրած էր իր զաւակները Կաղանդի գիշերով ուրախացնելու համար:

ե) Մեր նմանին ըսելով՝ կը հասկնանք մեր բարեկամները:

Բարեկամ մարդը այն մարդն է, որ նեղութեան ժամանակ յենարան կ'ըլլայ մեզի եւ կ'օգնէ դո՛ւրս գալու մեր նեղութենէն:

Ճշմարիտ բարեկամը այն մարդն է, որ կը բաժնէ իր յաջողութիւնն ու ուրախութիւնը մեզի հետ, եւ առիթ կու տայ մեզի, որ բաժնենք մեր ցաւն ու վերքը իրեն հետ:

Ճշմարիտ բարեկամը այն մարդն է, որ ականջ կու տայ մեզի ու կը հասկնայ մեզ, երբ կը խօսինք մեր զգացումներուն ու վիշտին մասին:

Ճշմարիտ բարեկամը այն մարդն է, որ խոնարհութեամբ ու սիրով մեզ կը սրբագրէ, երբ սխալի կամ մեղքի մէջ կ'իյնանք, եւ խոնարհութեամբ ու սիրով կ'ընդունի սրբագրուիլ մեր կողմէ, երբ ի՛նք սխալի կամ մեղքի մէջ կ'իյնայ:

Ճշմարիտ բարեկամը այն մարդն է, որ կ'օգնէ մեզի աճելու մեր հոգեւոր կեանքին մէջ, եւ միաժամանակ կ'օգնէ մեզի հանդէս բերելու այն շնորհները, որոնք ծածկուած են մեր սրտին մէջ: Ճշմարիտ բարեկամը այն մարդն է, որ զօրավիզ կ'ըլլայ մեզի, երբ կը գլորինք, եւ՝ խնդակից, երբ կը բարձրանանք:

Ճշմարիտ բարեկամը այն մարդն է, որ ուրախակից կ'ըլլայ մեզի՝ մեր ձեռք ձգած յաջողութիւններուն համար, եւ սրտանց կը ներէ, երբ բանի մը մէջ կը ձախողինք կամ կը սխալինք:

զ) Մեր նմանին ըսելով՝ կը հասկնանք ընդհանրապէս մարդը, ծառայութեան կարիքը ունեցող մարդը: Այս մասին շատ բան կարելի է ըսել, բայց հակիրճ ըլլալու համար լոկ հաստատեմ, որ Աստուած մարդը ստեղծեց եւ օժտեց գործելու, աշխատելու, տքնելու ու երկնելու կարողութեամբ: Ճիշդ է, որ Աստուած մարդը ստեղծեց իր փառքով ու իր փառքին համար, ինչպէս կը վկայէ Եսայի մարգարէն (43.7), բայց միաժամանակ զայն ստեղծեց, որպէսզի անիկա Աստուծոյ փառքը ճառագայթէ եւ անոր փառքին տարածիչը դառնայ մարդոց կեանքին մէջ, եւ ատիկա տեղի կ'ունենայ իր ծառայութեամբ: Ճիշդ է, որ մարդը Աստուծոյ ձեռքին գործն է, բայց միաժամանակ անիկա Աստուծոյ գործակիցն է, եւ անիկա այդ գործակցութիւնը կրնայ արտայայտել՝ ծառայելով մարդոց. արդարեւ, մարդը Աստուծոյ ձեռքին գործը ըլլալով՝ պէտք է Աստուծոյ օգնող ձեռքը ըլլայ օգնութեան կարօտ մարդոց կեանքին մէջ: Ճիշդ է, որ մարդը Աստուծոյ սիրոյն պտուղն է, բայց նաեւ սիրոյ պտուղ բերելու կոչուած անձն է: Ս. Գրիգոր Լուսաւորիչ հայրապետը կ'ըսէ. «Մարդը պէտք է նմանի ծառի: Ինչպէս ծառը ինքնիր համար չ'ապրիր եւ ինքնիր համար պտուղ չի բերեր, այլ կ'ապրի ու պտուղ կը բերէ ուրիշին համար, նոյնպէս ալ մարդ արարածը պէտք է ապրի, գործէ ու պտուղ բերէ իր նմաններուն համար»:

Հարց տանք մենք մեզի. մենք կ'ապրի՞նք ուրիշին համար, կը գործե՞նք ու պտուղ կը բերե՞նք ուրիշին համար: Քառասնօրեայ պահեցողութիւնը այն սքանչելի ժամանակահատուածն է, երբ կրնանք բարին գործել ուրիշին համար, մանաւանդ երբ այդ ուրիշը աղքատ մարդն է, անտեսուած մարդն է, լքուած ու մոռցուած մարդն է, հիւանդ ու տագնապահար մարդն է:

Աղքատին տուողը աղքատասէր Աստուծոյ է, որ տուած կ'ըլլայ: Անօթին կերակրողը անոր փոխարէն կրնայ Կենաց հացը ձեռք ձգել: Ծարաւին ջուր խմցնողը անոր փոխարէն Կենաց աղբիւրով կրնայ վարձատրուիլ: Անտեսուածին տեսութեան գացողը կրնայ ամենատես Աստուծոյ տեսութեան արժանանալ: Կարօտեալին կարօտը գոհացնողը անկարօտն Աստուծոյ օգնութեան կ'արժանանայ: Եւ այս բոլորը ծածուկ կերպով պէտք է կատարուին, որովհետեւ իսկական ծառայութիւնը ծածուկ կերպով կատարուած ծառայութիւնն է. իսկական ծառայութիւնը Աստուծոյ փառքին համար կատարուած ծառայութիւնն է. ծառայելու պարգեւը Աստուծոյ կողմէ մեզի տրուած պարգեւ մըն է, ուստի միայն Աստուած ի՛նք պէտք է փառաւորուի: Եթէ երբեք կը ծառայենք մարդոց, որպէսզի անոնք խօսին մեր ծառայութեանց մասին, աւելի լաւ կ'ըլլայ, որ չծառայենք, որովհետեւ ճիշդ չէ, որ մարդիկ զԱստուած փառաւորելու փոխարէն՝ մեզ փառաւորեն:

Եկեք, Բուն Բարեկենդանի առիթով եւ մեր Բուն Բարեկենդանը վերագտնելու նպատակով, ծառայութեան ձամբով վերադառնանք Աստուծոյ եւ մեր նմանին:

Եկեք՝ ընդառաջենք վեհափառ հայրապետի հրաւերին եւ 2016 տարին եւ գալիք բոլոր տարիները լեցնենք ու հարստացնենք ծառայութեանց արարքներով, որպէսզի մենք մեծնանք եւ Աստուած մեծարուի:

## ԱԿՆԱԼԿ

# «Ոչ Որ Ըսաւ՝ Հէզ Տղայ...»

ՎԱՉԷ ԲՐՈՒՏԵԱՆ

Սուրիոյ դէմ շղթայազերծուած պատերազմը ահաւասիկ կը թեւակոխէ իր հինգերորդ տարին:

Արեւմուտքը (տարածաշրջանային իր մանր-մունր դաշնակիցներով) բնականաբար այս պատերազմը կը սիրէ կոչել «քաղաքացիական», «յարանուանական» եւ այլ բնութագրումներով, որոնք բաւական հեռու են ճշմարտութենէն: Անշուշտ մտածուած է բառերու ընտրութիւնը, որպէսզի բուն մեղսակիցները կարելի ըլլայ ծածուկ պահել: Սակայն... ինչպէս Րաֆֆիի հերոսներէն Սուրատը կ'ըսէ՝ «Կոթն երկար է անիրաւին, չի պարտկում մէջ տոպրակին»:

Սակայն... No problem!, «հարց» չկայ, Արեւմուտքի Քաւոր Պետրոսները յամառօրէն կը փորձեն կացինը «պարտկել» տոպրակին մէջ:

Այս օրերուն Եւրոպայի մէջ դարձեալ սրած է մթնոլորտը գաղթականներուն դէմ: Ֆինլանտա նոր յայտարարեց, թէ պիտի արտաքսէ 20 հազար ապօրինի գաղթական: «Մեծն» Բրիտանիա իր դուռերը (եւ աչքերը) յամառօրէն փակած է մարդկային այս ընդհանուր ողբերգութեան դիմաց: Գերմանիոյ վարչապետ տիկին Մերքել սկսած է ջուր խառնելու իր սկզբնական «բարեացականութեան» գինիին մէջ: Ամբողջ Եւրոպայի մէջ ստեղծուած է այնպիսի մթնոլորտ մը, ուր արաբի դիմագիծ ունեցողի մը նկատմամբ ամբոխային հակակրանքի մթնոլորտ կը հրահրուի ծայրայեղ աջակողմեան հոսանքներու կողմէ:

Ներկայ դրութեամբ, փոքրիկ ու տնտեսապէս ոչ նախանձելի վիճակի մէջ գտնուող Լիբանանի մէջ ապաստանած են աւելի քան 1,3 միլիոն սուրիացիներ, որոնք տեղահանուած են իրենց գիւղերէն ու քաղաքներէն, իրենց երբեմնի խաղաղ շէնքերէն: Աւելորդ է ըսել, որ Լիբանանի տնտեսական կարողութիւնները «քիչ մը» նուազ են Գերմանիոյ կամ Ֆինլանտայի ունեցածէն...

Միւս կողմէ, Արեւմուտքի տարածաշրջանային «փոքր դաշնակից» Յորդանանի մէջ ապաստան գտած են 600 հազար սուրիացի գաղթականներ: Յորդանանի Ապտալլա թագաւորը տակաւին վերջերս օժանդակութեան խնդրանք-կոչ մը ուղղեց Արեւմուտքին՝ ըսելով, որ՝ «Յորդանան միշտ թիկունք կանգնած է Արեւմուտքին, եւ հիմա ժամանակն է, որ Արեւմուտքը գործնապէս զօրակցութիւն ցուցաբերէ» գաղթականներու խնամքի հարցով:

Արեւմտեան տպագիր թէ եթերային մամուլին մէջ, վարչապետներ, նախագահներ, նախարարներ, «մասնագէտներ», յողուածներու եւ հարցազրոյցներու ընդմէջէն, օրն ի բուն կը խօսին ապօրինի գաղթականներու հոսքին մասին, միշտ պարելով մէկ ու միակ հարցադրումի մը շուրջ՝ «Գաղթականները կարելի՞ է համարել եւրոպական ընկերութենէն ներս», այո-ոչի սեւ ու ճերմակ պատկեր մը ստեղծելով: Կը քննուին թիւեր, կարելիութիւններ, թէ՛ այս ապօրինի գաղթականներուն ո՞ր տոկոսը ուսեալ է կամ մասնագիտութեան տէր, որպէսզի այդ տարրը կարելի ըլլայ «համարել» (այսինքն... աժան աշխատավարձով աշխատացնել. մաքուր հայերէնով՝ շահագործել) Արեւմուտքի այս կամ այն երկրին մէջ: Բնականաբար՝ միշտ մեկնելով մարդասիրական վեհագոյն սկզբունքներէ...

Սուրիոյ հարցով Արեւմուտքին հակադրուած ռուսական «Russia Today» հեռատեսիլէն ելոյթ ունեցող «մասնագէտներէն» միայն մէկ-երկու հոգի, արեւմտեան այս տեսակետի ծիրէն դուրս ելլելով, մատը դրին վերքին վրայ:

Բոլորն այլ ժողովրդային լեզուով, մեծ էշը ախոռը մոռցած են:

Ոչ ոք ունի յանդգնությունը ընդգծելու, որ երբ Լիպիոյ, Իրաքի, Սուրիոյ, Աֆղանիստանի կամ այլ երկիրներու բնական հարստությունները կողոպտելու նպատակով անոնց դէմ պատերազմներ կը շղթայագերծուին, «ըմբոստություններ» կը հրահրուին կամ վարչակարգեր վար կ'առնուին (ատոնց հետ քանդելով ամբողջ պետական համակարգեր՝ իրենց համապատասխան ենթակառուցներով), երբ այս երկիրները քարուքանդ կ'ըլլան՝ պատճառ դառնալով, որ անոնց բնակչությունը գաղթական դառնայ, հետեւանքներէն մէկը կ'ըլլայ այն, որ միլիոնաւորներ յուսահատ փորձեր կատարեն իրենց համար ապահով երդիք, բարօր կեանք փնտռելու:

Տարբեր խօսքով, Արեւմուտքի մէջ ոչ մէկ պետական պատասխանատու անձնաւորութիւն (կամ պալատական երգիչներու վերածուած լրագրողներ) կ'ուզէ ընդունիլ, թէ Եւրոպան անելի մատնած գաղթականական այս ողբերգությունը հետեւանք է իրենց շահամոլ քաղաքականութեան՝ նոյն այդ երկիրներուն նկատմամբ: Ոչ ոք կ'ուզէ խօսիլ տագնապի արմատական լուծումին մասին՝ վերատեսութեան ենթարկել Արեւմուտքի արտաքին քաղաքականությունը:

Եւ որպէսզի այս յօդուածագիրը եւս մեծ էշը ախոռին մէջ չմոռնայ, կայ Թուրքիոյ պարագան: Թուրքիան բացայայտօրէն եւ ուղղակիօրէն մեղսակից է Լիպիոյ եւ Սուրիոյ մէջ արձանագրուող այս ողբերգություններուն: Այս մասին եւս քար լռութիւն կը տիրէ Արեւմուտքի մէջ՝ պետական թէ մամուլի մակարդակով:

Առաւել, անդին կայ շատ կարելոր հարցական մը. գաղթականներու դէպի Եւրոպա հոսքը սկսաւ անցնող տարուան աշնան: Այս գաղթականները ծովու ճամբով նախ Յունաստան կը հասնէին, ու այնտեղէն՝ Եւրոպական Միութեան այլ երկիրներ: Հարիւր հազարաւոր գաղթականներ ինչպէ՞ս «յանկարծ» որոշեցին նաւակներով կամ մակոյկներով յունական կղզիներ հասնիլ: Իսկ այդ մակոյկները կամ նաւակները կրնայի՞ն թրքական նաւահանգիստներէն ճամբայ ելլել առանց թրքական իշխանութիւններու հաւանութեան, արտօնութեան եւ կամ քաջալերանքին: Իր սահմաններուն աչալուրջ հսկող Թուրքիան (որ ունի կարողությունը 17 երկվայրկեան իր օդային տարածքը խախտած ռուսական օդանաւ մը վար առնելու), բնականաբար կրնար արգելք, պատնէշ հանդիսանալ գաղթականներու դէպի Եւրոպա հոսքին (ինչպէս կ'ընէր արդէն մինչեւ անցնող աշնան սկիզբը): Բայց չըրաւ: Ըրաւ հակառակը, առաւելաբար սուրիացի գաղթականներէ բաղկացած ցունամի-ալիք կազմակերպելով դէպի Եւրոպա, զայն մատնելով անելի, միաժամանակ վայելելով «ՕԹԱՆ-ի մեր հաւատարիմ դաշնակից» փաղաքշանքները ու իբրեւ «գրպանի ծախս»՝ 3 միլիառ տոլար Եւրոպական Միութենէն: «Պախշիշ»:

Մեր յօդուածներուն մէջ բազմիցս կրկնած ենք ու անգամ մը եւս կը կրկնենք. մեր դիտարկումները չեն հիմնուած այս կամ երկրին, կամ վարչակարգին նկատմամբ համակրանքէ կամ հակակրանքէ: Մենք պարզապէս հանրայայտ փաստեր կամ իրողություններ կը փորձենք ընդգծել:

Հայութեան ու Հայաստանի շահերուն համար կարելոր է աչալուրջ կերպով հետեւիլ Թուրքիոյ դերակատարութեան, որպէսզի վերջը չկրկնենք վաղամեծիկ Պետրոս Դուրեանի տողերը՝ «Ոչ ոք ըսաւ՝ հեգ տղայ, արդեօք ինչո՞ւ կը մխայ»...:

«Տղայ» բառը փոխարինեցէք քանդուող երկիրներու անուններով եւ այն ատեն կացությունը աւելի լաւ կրնաք ըմբռնել:

**ԼՈՒՐԵՐ ԳԱՂՈՒԹՆԵՐԷՆ**

**Հայաստանի Ամերիկեան Համալսարանին  
65 Հազար Ամերիկեան Տոլարի Նուիրատուութիւն**

Վերջերս Սան Ֆրանսիսքո հաստատուած՝ «Օովաձոցի Հայաստանի բարեկամներ» ոչ շահաբեր կազմակերպութիւնը 65 հազար տոլարի նուիրատուութիւն մը կատարեց Հայաստանի ամերիկեան համալսարանին՝ կազմակերպութեան անունով կրթանպաստի հիմնադրամ մը հաստատելու նպատակով: Հիմնադրամը օժանդակութիւն պիտի տրամադրէ համալսարանի կարիքաւոր ուսանողներուն:

«Օովաձոցի Հայաստանի բարեկամներ» կազմակերպութիւնը հիմնուած էր Հայաստանի երկրաշարժէն ետք եւ Արցախի ազատագրական պայքարի օրերուն՝ հոգալու համար հայորդիներուն առողջապահական, կրթական եւ ընկերային կարիքները՝ աշխատանքը կեդրոնացնելով յատկապէս գիւղական շրջաններուն վրայ: Անոր իրագործած ծրագիրներուն շարքին են՝ ուսուցիչներու նիւթական յատկացումներ, վարժարաններու նորոգութիւններ, ինչպէս նաեւ համակարգիչներու, գիրքերու եւ նախաճաշներու տրամադրում՝ վարժարաններու եւ աշակերտներու:

Կազմակերպութեան վերջին նախաձեռնութիւններէն մէկն է բերանի առողջապահութեան ի նպաստ արշաւը, որ իրականացած էր Հայաստանի ամերիկեան համալսարանին հետ համագործակցութեամբ:

«Օովաձոցի Հայաստանի բարեկամներ» կազմակերպութեան նախագահ Սիլվիա Մելիքեան յայտնեց, որ կազմակերպութիւնը հպարտ է կրթանպաստներու այս հիմնադրամին հաստատումով, որմէ պիտի օգտուին նոր սերունդի ուսանողներ, որոնք Հայաստանի ապագան են: Ան գոհունակութիւն յայտնեց, որ իրենց լուսն կը բերեն հայրենիքի զարգացման յատկապէս, երբ Հայաստան կ'ընդունի Սուրիայէն եւ Իրաքէն գաղթականներ, որոնք կը փորձեն իրենց կեանքերը ճիշդ հունի մէջ դնել:

**Հայոց Զեղասպանութեան Դասաւանդման  
Տարածման Արշաւին Միանալու Կոչ**

Զեղասպանութեան ուսուցման ծրագիրը կոչ կ'ուղղէ երկրորդական վարժարանի տարիքի զաւակներ ունեցողներուն, որ իրենց զաւակներուն պատմութեան կամ անգլերէնի ուսուցիչներուն ծանօթացնեն Հայոց ցեղասպանութեան մասին ուսուցման ծրագրի նոր դասանիւթերը:



Մոյն դասանիւթերը ձրիաբար կը տրամադրուին ուսուցիչներուն, որպէսզի անոնք առիթը ունենան արդի ժամանակներու ցեղասպանութիւններուն նախատիպը հանդիսացած Հայոց ցեղասպանութեան եւ անոր հետեւանքներուն մասին դասաւանդելու իրենց աշակերտներուն:



Նորագոյն դասանիւթերէն մէկը հիմնուած է ցեղասպանագէտ դոկտ. Կրեկըրի Սթենթընի «Ցեղասպանութեան 10 հանգրուանները» գործին վրայ, իսկ ուրիշ մը՝ «Վայրի կակաչ»-ը, որ կ'առնչուի Ցեղասպանութիւնը վերապրած ու կակաչի նոր տարբերակ մը յայտնաբերած բուսաբան փրոֆ. Ճէյ. Ճէյ. Մանիսաճեանի պատմութեան: Հոն կը նշուի, թէ անոր յայտնաբերած կակաչները, հայութեան օրինակով, կը շարունակեն աճիլ իրենց հայրենիքէն դուրս, պարզապէս որովհետեւ Մանիսաճեան կրցած էր անոնց կոճղէզները Ցեղասպանութենէն առաջ Եւրոպա հասցնել:

Հետաքրքրական այլ դասանիւթ մըն է Մերձաւոր Արեւելքի նպաստամատոյցի պատմութեան նուիրուած՝ «Տէլ շէլ նաթ փերիշ. Ամերիքա էնտ տի Արմինիըն ճենոսայտ» դասանիւթը: Յաւելեալ տեղեկութեանց համար այցելել [www.genocidededucation.org](http://www.genocidededucation.org) կայքը:

## **Ս. Գրիգոր Լուսաւորիչ Եկեղեցւոյ Ծխական Համայնքի Ներկայացուցիչները Կը Ծանօթանան Նոր Հոգեւոր Հովիւին**

Յունուար 25-ին թեմի առաջնորդ Մուշեղ արք. Մարտիրոսեան մեկնեցաւ Սան Ֆրանսիսքո՝ ընկերակցութեամբ Մեծի Տանն Կիլիկիոյ միաբանութեան անդամներէն Պարոյր վրդ. Շէրնէզեանի, որ նշանակուած է Ս. Գրիգոր Լուսաւորիչ եկեղեցւոյ հոգեւոր հովիւ եւ շուտով պիտի ստանձնէ իր ծառայական առաքելութիւնը: Այս այցելութեան նպատակն էր հայր սուրբը ծանօթացնել եկեղեցւոյ ժողովականութեան եւ համայնքի ներկայացուցիչներուն:

Ծանօթացման հանդիպումը տեղի ունեցաւ «Խաչատուրեան» Հայ կեդրոնի «Սարոյեան» սրահին մէջ, ուր ներկայ էին գաղութի պատկան մարմիններու ներկայացուցիչները:



Ողջոյնի խօսքեր արտասանեցին Խորէն Ա. քահանայ, հոգաբարձութեան ատենապետ Ռոստոմ Այնթապլեան եւ գործակից կազմակերպութեանց ներկայացուցիչները, որոնք յաջողութիւն մաղթեցին նոր հովիւին: Առաջնորդ սրբազանը ներկայացուց հայր Պարոյրը, խօսեցաւ անոր վաստակին մասին եւ յաջողութիւն մաղթեց նոր առաքելութեան մէջ:

Պարոյր վրդ. Շերնդեան, իր կարգին, շնորհակալություն յայտնեց առաջնորդ սրբազանին եւ համայնքի ներկայացուցիչներուն եւ շեշտեց Սան Ֆրանսիսքոյի ծխական համայնքը գործակցաբար նոր ծաղկումի առաջնորդելու անհրաժեշտութիւնը:

## Վահէ Եագուպեան Կ'արժանանայ «Ինթել» Գիտական Մրցանակին

Փասատինայի ՀԲԸՄ Վաչէ եւ Թամար Մանուկեան երկրորդական վարժարանի աւարտական դասարանի աշակերտ Վահէ Եագուպեան վերջերս արժանացաւ «Ինթել» ընկերութեան «Գիտական տաղանդի փնտռուքի նախաձեռնութեան» մրցանակին, որ կը հանդիսանայ նախահամալսարանական կարեւորագոյն գիտական մրցանակներէն մէկը:



Մրցանքին մասնակցած են Միացեալ Նահանգներու տարածքէն 512 երկրորդական վարժարաններէ աւելի քան 1800 աշակերտներ, որոնցմէ 133-ը մրցանակներու արժանացած է:

Վահէն ներկայացուցած էր՝ «Ուտելիքներու մաղձաճարպի (քուլեսթերոլ) քանակի նուազեցումը նորարար ոճով՝ զանոնք վերածելով Տէ. կենսասնիւթի» աշխատասիրութիւնը:

## Հայկական Խաչքարի Օծում

Յունուար 31-ին Սլովաքիոյ Քոշիցէ քաղաքի Սուրբ Ենա Միլոստիւի ուղղափառ տաճարին մէջ, Չեխիոյ եւ Սլովաքիոյ ուղղափառ եկեղեցոյ արքեպիսկոպոս Ռաստիսլաւ եւ Միխայելովիցէի ու Քոշիցէի արքեպիսկոպոս Եուրա Ստրանսքի մատուցեցին Ս. պատարագ՝ ի յիշատակ Հայոց ցեղասպանութեան զոհերուն:

Աւարտին տեղի ունեցաւ եկեղեցոյ բակին մէջ տեղադրուած Հայոց ցեղասպանութեան զոհերու յիշատակին նուիրուած հայկական խաչքարի օծման կարգը, որուն իրենց մասնակցութիւնը բերին նաեւ Չեխիոյ եւ Սլովաքիոյ ուղղափառ եկեղեցոյ արքեպիսկոպոս Ռաստիսլաւ, Ամենայն Հայոց կաթողիկոսի ներկայացուցիչ Անուշաւան եպս. Ժամկոչեան, Կեղրոնական Եւրոպայի եւ սկանտինաւեան երկիրներու հայրապետական պատուիրակ Տիրան վրդ. Պետրոսեան, Հունգարիոյ, Չեխիոյ եւ Սլովաքիոյ հոգեւոր հովիւ Բարսեղ վրդ. Փիլաւճեան: Պաշտօնական հրաւերով ձեռնարկին ներկայ էր նաեւ Չեխիոյ եւ Սլովաքիոյ մէջ Հայաստանի դեսպան Տիգրան Մէրանեան:

# www.aztarar.com

ԱՅԼԱԶԱՆ

## 5 Միսալ, Որ Օրական Կը Գործենք

- 1 -

- Ակոսները խոզանակելը ճաշէն անմիջապէս ետք:

Ամերիկեան ատամնաբուժութեան ակադեմիային մասնագէտները կը պնդեն, որ ակոսները ճաշէն անմիջապէս ետք խոզանակելը կը վնասէ էմային, մանաւանդ՝ պտուղ ուտելէ կամ հիւթ խմելէ ետք: Անոնց կարծիքով, բերանը ջուրով ցողուելը բաւարար է եւ ճաշէն 40 վայրկեան ետք միայն կարելի է ակոսները խոզանակել:

- 2 -

- Պատուհանները բաց ինքնաշարժով երթելէկելը:

Գլխացաւ եւ սրտի հետ կապուած անհանգստութիւններէ հեռու մնալու համար խուսափեցէք պատուհանները բաց ինքնաշարժով երթելէկելէ: Ապականած օդը, աղբերը, փոշին ինչպէս նաեւ ինքնաշարժներէն արտաքսուող թունաւոր կազերը քառապատիկ աւելի կը մտնեն մեր թոքերուն եւ մարմնին մէջ:



- 3 -

- Կերպրնկալէ ամանով մանրալիքին մէջ կերակուր տաքցնելը:

Այս սխալ սովորութիւնը հորմոններու ծերացում կը պատճառէ: Խիստ յանձնարարելի է կերակուրները տաքցնել ապակեայ ամաններու մէջ:

- 4 -

- Քնանալէ առաջ սմարթֆոնով զբաղիլը:

Բոլոր անոնք, որոնք քնանալէ առաջ սմարթֆոնով կը զբաղին, ոչ միայն հանգիստ չեն քնանար, այլ առտուն երբ արթնանան, կազդուրուած չեն ըլլար, ընդհակառակը: Իսկ առողջ քունի բացակայութիւնը կրնայ բարձրացնել սրտի կաթուածի հաւանականութիւնը:

- 5 -

- Արթնալէ անմիջապէս ետք մահճակալը ծածկելը:

Միսալ է արթնալէն անմիջապէս ետք մահճակալը կոկելն ու ծածկելը: Աքարիէն կոչուած, գերզգայնութիւն պատճառող եւ սովորական աչքով անտեսանելի միջատները շատ կ'ախորժին տաք եւ խոնաւ միջավայրերէ, իսկ տաքուկ մահճակալները յարմար ենթահող են բազմանալու:

Յանձնարարելի է մահճակալը կոկել արթնալէ առնուազն կէս ժամ ետք:

# www.aztagdaily.com



# Միտոյ Օր



Հովանավորութեամբ՝  
 Քուէթի եւ Շրջակայից Թեմի Առաջնորդ  
**Գերայ. Տ. Մասիս Ծ. վրդ. Զօպուլեանի**  
 Կազմակերպութեամբ՝  
**ՀՕՄ.-ի եւ Հ.Մ.Ը.Մ.-ի վարչութիւններու**  
 Մասնակցութեամբ սիրուած երգիչ՝  
**ՃՈՐՃԻԿ ՉԻՐԻՇԵԱՆԻ**  
 Նուագակցութեամբ Յովիկ Ատուրեանի



Տեղի կ'ունենայ Ուրբաթ, 12 Փետրուար 2016 –ին,  
 Երեկոյեան ժամը 8:00 –ին **MOVENPICK(Free Zone)**  
 պանդոկի **Noura** սրահին մէջ:

Տոմսերը ապահովելու համար դիմել  
 Ընկ. Մակի Թաղոյեան-----66172300  
 Եղբ. Կարօ Արապաթեան-----66051098  
 Ընկ. Նազիկ Միմպիլեան-----99338334  
 Եղբ. Ծատուր Միմպիլեան-----66608649